



## **Universitätsbibliothek Paderborn**

**Defensio Abbatiæ Imperialis S. Maximini**

**Zyllesius, Nicolaus**

**Treveris, 1638**

§ 1. Abbas S. Maximini ab omni memoria ad Comitia Imperialia citatus fuit.

**urn:nbn:de:hbz:466:1-14268**

nis Comitiis de anno 1548. §. wann auch vbi in immediatis Imperii Statibus has qualitates requirit, die Standt und Stimm in Reichversammlungen und Lähen vom Reich hetten: id est, qui sessionem & votum in Imperii conuentibus & feuda ab Imperio haberent.

Et quidem feudarium esse Imperii, tanti semper factum est, ut olim penes eiusmodi Ius eligendi Imperatorem esset; certe ab Archiepiscopis, Episcopis atque Abbatibus Imperii feudataris & electum fuisse Ottonem IV. & Philipum Imp. luculentis testimonii probat Baronius, ad annum 996.

Prædictas igitur notas & proprietates in Abbe & Monastetio S. Maximini reperiri, ordine nunc ostendendum est.

*§. 1. Abbas S. Maximini ab omni memoria ad Comitia Imperialia citatus fuit.*

**H**oc in Cancellaria Imperij notissimum est, nequè probatione eget, posse sentque proferri innumeræ citationes ad singula Imperij comitia, quas etiamnum Archivium S. Maximini seruat, quarum breuem relationem multis alijs omissis habes N. 77. Vnde constare potest à centum sexaginta circiter annis Abbates pœne quadragies ad comitia euocatos.

Non tamen hic prætereundum, quod licet ad Comitia Imperialia euocati sint Prælati Maximiniani tanquam reliqui Imperii Status immediati, tamen non fuerint aut non sint obligati comparere nisi Moguntiam, Coloniam, Metas ad generale Concilium sive Colloquium aliqua necessitate cogente fuerint initati. Ita habet expressè priuilegium S. Henrici Imperatoris sub N. 20. Quod S. Henrici priuilegium confirmarunt Imp. posteri, Carolus IV. Wenceslaus, Maximilianus I. Carolus V. & alij. Id autem Priuilegium eo firmius est, quia in oneroso contractu fundatur, fatetur enim prædicto loco S. Henricus Imp. se eam gratiam, seu potius compensam facere Maximinianis Prælatis, una cum alijs Priuilegijs ibidem concessis, ob ingentem illum agrorum numerum, quem Sancto Maximo abstulit, & S. R. I. Proceribus & Militibus infeudauit. Hoc ipso Priuilegio frequenter vñ sunt Prælati, illud Anno MDXXVI. Abbas Vincentius Imperialibus Registris vna cum aliorum Imperij Statutum Priuilegijs inseri & incorporari fecit, postquam idem Vincentius Anno M. D XX. vi eiusdem Priuilegij sese excusasset Vicario & Regimini Cæsareo, quod citatus tanquam membrum S. R. I. ad conuentum Imperiale non comparuisset, & hinc etiam patet, quomodo factum quod in Recessibus Imperij nomen Abbatis rarius reperiatur, quod scilicet in alijs ferè Vrbibus, quam Colonia, Moguntia, Metis superiori saeculo Concilia celebrata sint, ad quæ licet Abbas euocetur & conscribatur semper, tamen vi Priuilegiorum suorum poterat ire vel non ire, prout factum frequentius ad Priuilegij vigorem conferuandum.

*§. 2. Abbas S. Maximini ad Comitia admissus fuit in ijsque suffragium habuit.*

**I**D quoque publicè notum est, & apud Aulicum Imperij Concilium probatum, & doceri posset ex instructione data Doctori Hieronymo Veussen, qui ad Comitia Imperialia Norimbergam Anno MDXXII. profectus, à Præ-